



SOCIETÀ LÖ D'INSCUNTER CHASA FLIANA LAVIN

Padruot Fried, Somchants 14, CP 7, 7543 Lavin,
Tel 079 528 11 06, padruot.fried@gmx.ch

Rapport da gestiun 2022

Charas commembras, chars commembers, charas faaturas e chars fauturs, charas amias e chars amis da la Chasa Fliana.

Quist rapport cumpiglia la peroida dals 29 da marz fin al di d'hoz.

La suprastanza s'ha reunida per 3 tschantadas quist on, tuottas aint illa Stüva da cussagl da la chasa da scoula veglia da Lavin. Ils invids a las sezzüdas e'ls protocols vaina miss tuots sün nossa nüvla commünaivla da Google Drive e sun accessibels a tuot ils commembers da la suprastanza.

Dals 25 october 2022 fin als 13 da december ans vaina chattats, sco üsità, mincha mardi a las 09:15h in la sala polyvalenta a Lavin. Meditaziun, referat cun discussiun, schoppa da giuotta, e sco nouv, alternativmaing cun ün'otra schoppa, desert e caffè in la Chasa Fliana, davomezdi lavurs in gruppas scumparti in differents locals in tuot il cumün.

Ils seguaints cuors han gnü lö: Lavurs da man da tuot gener cun Mengia Bonifazi, Lavin e Nesa Hugentobler, Sent - Fieutrar ün alvetern, fluors ed ün plümatsch per sezzar giò cun Nesa Balz, Samedan - Lavur cul füs cun Chatrina Bazzell, Zuoz - Atelier dad aquarel cun Ursina Ganzoni, Sent - Calligrafia, differentas scrittüras ed ornamentals cun pennas specialas cun Christa Pinggera, Zernez - Co fetscha adöver dal handy o tablet? Introducziun ed adöver, tips e trics cun Duri Denoth, Sent - Gimnastica, per restar corporalmaing e mentalmaing fit cun Anny Unternährer, Scuol - Giovar a schach per minchün cun Andri Luzi, Cinuos-chel - Giovar a tschinquina per minchün cun Silvia Steiner, Zernez.

Cuors specials per pauras e paur nu sun gnüts realisats ingüns quist on, pero id ha dat contacts respectivs cun duonna Gianna Martina Peer dal Plantahof. Ils seguaints referats sun gnüds preschantads davo las meditaziuns dals paders e ravendas las avantmezdis:

«Privels da la natüra in Engiadina Bassa/Val Müstair e Samignun» referat da Peder Caviezel, Ramosch (rumantsch) - „La cussagliaziun da nudritüra cumplessiva ed ils böts da mincha persuna individualmaing“ referat da Reta Corina Luzzi, Ramosch (rumantsch) - „Klassische Homöopathie“ referat da Susanne Reisinger, Bever. (tudais-ch) - „Das Miteinander von Kindern und Erwachsenen ist eine win-win-Situation“ referat dad Anny Unternährer, Scuol, (tudais-ch) - „Co nudrir a no e tuot il muond sainza pesticides“ referat da Padruot Fried, Lavin, (rumantsch) - „Rettung Kinderheim in Kirgistan“ Referat da Hans Peter Pleisch, Tavo, (tudaisch) - „Fascinaziun da punts chi pendan“ Referat da David Baselgia, Favuogn (rumantsch) - „Bunura d'Advent“ cun prelecziun da Gion Tschärner (rumantsch) e chant avert cun



CUMÜN DA SCUOL



La Punt



Christa Pinggera, Zernez. Ün grond grazcha fich va eir a sar Peder Caviezel per sia prontezza da brattar il termin da seis referat cun quel da Padruot Fried chi vaiva tschüff Corona al principi dals referats e dals cuors.

La partecipaziun a cuors e referats es statta fich buna. Üna sesantina da persunas as vevan scrittas aint pels cuors. Grazcha fich eir al comitè d'organisaziun al qual fan part Mengiafila Luzi, Ramosch, Ursina Ganzoni, Sent, Berta Marugg, Scuol, Erica Bischoff Scuol, Anna Margaritta Filli, Lavin, Christa Pinggera, Zernez e Christiana Willy, S-chanf. Il comitè ha eir quist on organisà ün program fich interessant e s'ha ingaschè d'ürant tuot il temp fich ferm e pisserà cha las partecipantas e'ls partecipants as chattan bain.

La situaziun finanziaria es fich allegraivla grazcha a la buna partecipaziun als cuors e'ls sustegns finansials dal Chantun Grischun, da la Corporaziun Energia Engiadina e dals quatter cumüns Zernez, Zuoz, La Punt-Chamues-ch e Scuol. Nos quint muossa entradas da frs. 28'142.80 e sortidas da frs. 26'850.99, ün pitschen gudogn das frs. 1291.81. Al Fiduziari Accontaris, Scuol, ingrazchaina fich per la buna collavuraziun dals ultims ons. Grazcha a la competenza da nossa chaschiera Erica Bischoff vain pudü annular il contrat da collavuraziun cul fiduziari a Scuol e cun quai spargnar raps pels cuors e referats. Il numer da commembras e commembers s'ha redot a 179. No sperain da pudair persvader in avegnir eir a glioud plü giuvna da'ns sustgnair e da tils inchantar per nossa chosa.

La fin da l'on 2022 ha nos actuar Fabian Schorta inoltrà sia demischiun sülla prosma radunanza generala. La suprastanza ha subit cumanzà a tscherchar üna persuna per sia substituziun e davo avair dumandà ad üna seria da glioud vain chattà in duonna Tina Bott-Margadant da Scuol üna persuna chi'd es pronta da surtour la carica. A Fabian Schorta ingrazchaina da cour per la lavur prestada ils ultims ons e til givüschain tuot il bun per l'avegnir. A Tina Bott ün cordial bainvgnü e blera satisfacziun i'l nouv dovair.

Per finir, ün grazcha fich a tuots chi han contribui al success da nossa società da quist on, specialmaing eir a la pressa chi ha rapportà da nossas activitads sco eir als organs da nossa società cul team e la suprastanza sco eir als revisuors da quint sar Fadri Häfner, Guarda e sar Armon Bezzola, Zernez.

Lavin, ils 27 da favrer 2023

Il president: *Padruot Fried*

 **SWISSLOS**
PROMOZIUN DA LA CULTURA
CHANTUN GRISCHUN

 **CEE** **CORPORAZIUN**
ENERGIA ENGIADINA

 **Zernez**
Das Tor zum Nationalpark.
Parc National Suisse.

 **Banca Chantunala**
Grischuna



CUMÜN DA SCUOL



La Punt

